

мѐ. Тогда ѡвѣщаетъ ѡмъ, глагола: аминь глаголю вамъ, понеже не сотвористе единомъ сихъ меншихъ, ни мнѣ сотвористе.

мъ. И ѡдетъ сн въ мѣкъ вѣчныю: праведницы же въ животъ вѣчный.

ГЛАВА КЪ.

а. И бысть, егда сконча Исх вса словеса сѧ, рече оученикомъ своимъ:

в. Вѣсте, ѡакъ по двою дню пасха вѣдетъ, и снъ члвческїй преданъ вѣдетъ на пропатїе.

г. Тогда соврѣшася архїерее и книжницы и старцы людстїи во дворъ архїереевъ, глаголемаго Каїафы,

д. И совѣщаша, да Исх лестїю ѡмстятъ, и оубїютъ.

е. Глаголахъ же: но не въ праздникъ, да не молва вѣдетъ въ людехъ.

ж. Исх же бывшъ въ Вїданїи, въ домъ Сїмωνα прокаженнаго,

з. Пристѣпн къ немъ жена, сткланицъ мѣра ѡмъщи многоцѣннаго, и возливаше на главъ егѡ возлежаща.

и. Видѣвше же оученицы егѡ, негодоваша, глаголюще: чесѡ ради гибель сѧ бысть;

к. Можаше бо сїе мѣро продано быти на многѣ, и датиса нищымъ.

л. Разсмѣвхъ же Исх, рече ѡмъ: что трѣждаете женѣ; дѣло бо добро содѣла ѡ мнѣ.

м. Всегда бо нищыя ѡмате съ собою: менѣ же не всегда ѡмате:

н. Возлѣвши бо сѧ мѣро сїе на тѣло моѣ, на погребенїе ма сотвори.